

## I. DISPOSICIÓN XERAIS

### MINISTERIO DE MEDIO AMBIENTE, E MEDIO RURAL E MARIÑO

**6099** *Real decreto 347/2011, do 11 de marzo, polo que se regula a pesca marítima de recreo en augas exteriores.*

A modalidade de pesca recreativa experimentou nos últimos anos un considerable aumento, debido ao desenvolvemento do sector turístico en España, que está favorecendo a proliferación de embarcacións dedicadas á pesca non profesional e á práctica da pesca selectiva mediante mergullo a pulmón libre.

É evidente que este tipo de actividades, tanto pola súa propia natureza como pola incidencia nos recursos pesqueiros, exixen un réxime de control específico e unhas limitacións específicas que, por suposto, non substitúen, senón que se suman ás medidas de conservación e protección dos recursos establecidos con carácter xeral na regulación sectorial.

Cabe tamén destacar a proliferación de embarcacións cuxa finalidade comercial non reside na captura de produtos pesqueiros para a súa comercialización, senón en facilitar a actividade de pesca recreativa a terceiros, así como o incremento das competicións deportivas dedicadas ao fomento da pesca con fins lúdicos. Por tales motivos establécese nesta regulación un réxime xeral ao que someter o exercicio da pesca recreativa en augas exteriores nas súas diferentes modalidades, de conformidade co dereito internacional aplicable.

Sen prexuízo da competencia exclusiva estatal en materia de pesca marítima en augas exteriores, xa sexa profesional ou recreativa, non se pode descoñecer que as comunidades autónomas regulan a práctica desta actividade nas súas respectivas augas interiores, o que fai aconsellable adecuar a práctica recreativa no seu conxunto ao réxime de autorizacións que teñen establecido as comunidades autónomas litorais para as súas augas interiores. Desta forma evítase que as embarcacións recreativas que exerzan a actividade de pesca marítima recreativa teñan que estar sometidas a un dobre réxime de autorización, o da propia actividade de ocio ou deporte e pesca en augas interiores que concede a comunidade autónoma e o de pesca en augas exteriores de competencia da Administración do Estado.

Óptase, desta forma, por que sexan as comunidades autónomas do litoral as que concedan as correspondentes licenzas ou autorizacións de actividade ás embarcacións recreativas que queiran exercer esta actividade de pesca de recreo en augas exteriores, que deberán ser as responsables de preservar que se cumpran as condicións xerais de exercicio que garantan a sustentabilidade dos recursos pesqueiros que, para tal efecto, estableza o Ministerio de Medio Ambiente, e Medio Rural e Mariño.

Este réxime de participación autonómica non se establece, non obstante, para a captura daquelas especies sometidas a un réxime de protección diferenciada, cuxo exercicio require dunha autorización que concederá de forma centralizada o Ministerio de Medio Ambiente, e Medio Rural e Mariño posto que se deben adoptar medidas especiais de protección para determinadas especies sensibles que se encontran reguladas por organismos rexionais de pesca, encamiñadas á consecución dunha explotación sustentable das poboacións baseadas nun coñecemento preciso do esforzo que representa a pesca recreativa.

En consecuencia, introdúcense algunhas novidades tendentes á consecución dos obxectivos anteriormente mencionados que se configuran como un elemento esencial para o mellor coñecemento e control do esforzo real deste sector.

Así mesmo, coa presente regulación adáptase a práctica desta actividade á lexislación de liberación de servizos regulada no noso ordenamento pola Lei 17/2009, do 23 de

novembro, sobre o libre acceso ás actividades de servizos e o seu exercicio, e a Lei 25/2009, do 22 de decembro, de modificación de diversas leis para a súa adaptación á Lei sobre o libre acceso ás actividades de servizos e o seu exercicio.

Este real decreto dítase ao abeiro da habilitación contida no artigo 36 e na disposición derradeira segunda da Lei 3/2001, do 26 de marzo, de pesca marítima do Estado.

Na elaboración deste real decreto foron consultadas as comunidades autónomas, así como os sectores afectados.

Cumpríuse o trámite de comunicación á Comisión establecido no Regulamento (CE) n.º 850/98 do Consello, do 30 de marzo de 1998, para a conservación dos recursos pesqueiros a través de medidas técnicas de protección dos xuvenís dos organismos mariños.

Na súa virtude, por proposta da ministra de Medio Ambiente, e Medio Rural e Mariño, coa aprobación previa da entón ministra da Presidencia, de acordo co Consello de Estado e logo de deliberación do Consello de Ministros, na súa reunión do día 11 de marzo de 2011,

DISPOÑO:

CAPÍTULO I

## Disposicións xerais

### Artigo 1. *Obxecto.*

Este real decreto ten como obxecto a regulación da práctica da pesca marítima de recreo en augas exteriores españolas, tal e como estas aparecen definidas no artigo 2 da Lei 3/2001, do 26 de marzo, de pesca marítima do Estado, entendéndose esta práctica como a actividade pesqueira non comercial que explota os recursos acuáticos vivos con fins recreativos de ocio, prohibíndose a venda ou transacción das capturas obtidas.

### Artigo 2. *Zonas de pesca marítima de recreo.*

Para os efectos deste real decreto, as augas exteriores de España divídense en catro zonas que constitúen unidades de xestión diferenciadas: Cantábrico e Noroeste, Golfo de Cádiz, Mediterránea e Canaria.

a) A zona do Cantábrico e Noroeste comprende as augas que se estenden desde a fronteira con Francia, na desembocadura do Bidasoa (1º 47' W), ata a fronteira con Portugal, na do río Miño (41º 52' N).

b) A zona do Golfo de Cádiz esténdese entre o meridiano de Punta Marroquí, nas proximidades de Tarifa (5º 35' W) e a fronteira con Portugal na desembocadura do Guadiana (7º 24' W).

c) A zona Mediterránea comprende as augas situadas ao leste do meridiano de Punta Marroquí (5º 35' W), incluíndo as augas sobre as que España exerce soberanía ou xurisdición e que contornan as illas Baleares, a illa de Alborán, as cidades de Ceuta e Melilla e a zona de protección pesqueira do Mediterráneo definida no Real decreto 1315/1997, do 1 de agosto, polo que se establece unha zona de protección pesqueira no mar Mediterráneo ata o cabo Cerbere (42º 26' N).

d) A zona Canaria comprende as augas exteriores do arquipélago canario.

### Artigo 3. *Modalidades.*

A pesca marítima de recreo en augas exteriores pode ser exercida nas seguintes modalidades:

- a) Desde terra.
- b) Desde embarcación.

c) Submarina: é a que se practica mediante mergullo a pulmón libre, sen utilizar ningún tipo de elemento que permita a respiración en inmersión nin de medios mecánicos de propulsión.

## CAPÍTULO II

### Réxime de protección e conservación

#### Artigo 4. *Especies autorizadas.*

No exercicio da pesca marítima de recreo só se poderán capturar aquelas especies autorizadas de peixes e cefalópodos que constan no anexo I deste real decreto, e deberanse respectar, en todo caso, os tamaños mínimos establecidos no Real decreto 560/1995, do 7 de abril, polo que se establecen os tamaños mínimos de determinadas especies pesqueiras ou outra normativa aplicable, así como as demais prescricións técnicas que se regulan na súa normativa específica.

#### Artigo 5. *Volume de capturas.*

1. O Ministerio de Medio Ambiente, e Medio Rural e Mariño, para cada zona de pesca recollida no artigo 2 poderá establecer o volume máximo de capturas diarias obtidas desde embarcación, desde terra ou mediante o exercicio da pesca submarina, así como outras consideracións técnicas.

2. Queda expresamente prohibido calquera transbordo das capturas.

#### Artigo 6. *Limitacións.*

A práctica desta actividade está sometida ás limitacións establecidas neste real decreto, á demais normativa aplicable á pesca marítima en augas exteriores, e suxeita ao dereito internacional aplicable nesta materia.

#### Artigo 7. *Colaboración interadministrativa.*

O Ministerio de Medio Ambiente, e Medio Rural e Mariño e as comunidades autónomas poderán subscribir convenios de colaboración para garantir o cumprimento das medidas de protección, conservación e mellora dos recursos pesqueiros no ámbito das súas respectivas competencias.

## CAPÍTULO III

### Pesca marítima de recreo desde terra

#### Artigo 8. *Pesca marítima de recreo desde terra.*

Para poder practicar a pesca marítima de recreo desde terra será necesario estar en posesión da licenza de actividade expedida polo órgano competente dunha comunidade autónoma do litoral ou das cidades de Ceuta e Melilla, e cumprir a normativa establecida pola administración en cuxo litoral se realice a actividade.

## CAPÍTULO IV

### Pesca marítima de recreo desde embarcación

#### Artigo 9. *Pesca marítima de recreo desde embarcación.*

Para poder practicar a pesca marítima de recreo desde embarcación será necesario estar en posesión da licenza de actividade expedida para cada embarcación polo órgano competente dunha comunidade autónoma do litoral ou das cidades de Ceuta e Melilla, e cumprir a normativa establecida pola administración na cal se realice a actividade.

**Artigo 10. *Especies de protección diferenciada.***

1. Para a captura ou tenza a bordo de especies sometidas a medidas de protección diferenciada, enumeradas no anexo II, deberase dispoñer dunha autorización específica expedida pola Dirección Xeral de Recursos Pesqueiros e Acuicultura da Secretaría Xeral do Mar do Ministerio de Medio Ambiente, e Medio Rural e Mariño, por solicitude do titular da embarcación. Esta solicitude cubrirase de conformidade co modelo que figura no anexo III.

2. A autorización específica, que deberá estar a bordo da embarcación cando se vaia realizar a actividade, terá un período de validez de tres anos e a súa renovación deberase solicitar cunha antelación mínima de tres meses respecto á finalización da súa validez.

3. O titular da autorización específica deberá cubrir unha declaración de capturas e solta cuxo modelo figura no anexo IV, e que remitirá á Dirección Xeral de Recursos Pesqueiros e Acuicultura nos cinco primeiros días de cada mes, incluso cando non se obtivesen capturas.

4. As especies de protección diferenciada sometidas a un plan de recuperación regularanse pola normativa específica conforme os respectivos plans de recuperación que se puidesen adoptar.

**Artigo 11. *Aparellos permitidos.***

1. Os aparellos permitidos son a liña de man, a cana, o corricán, o volantín e a poteira, así como os aparellos accesorios imprescindibles para subir as pezas a bordo.

2. Non obstante o establecido no número anterior, o Ministerio de Medio Ambiente, e Medio Rural e Mariño, para cada zona de pesca recollida no artigo 2, poderá autorizar outros aparellos e regular as súas características técnicas.

**Artigo 12. *Prohibicións.***

No exercicio desta modalidade de pesca marítima de recreo queda expresamente prohibido:

a) A utilización ou tenza a bordo de artes, aparellos, útiles ou instrumentos propios da pesca profesional distintos dos relacionados no artigo anterior.

b) Interferir na práctica da pesca profesional. Para estes efectos, as embarcacións deberán manter unha distancia mínima de 0,162 millas náuticas (equivalente a 300,024 metros) dos barcos de pesca profesional, salvo en pesca de túnidos con cana, en que a distancia será dun mínimo de 0,269 millas náuticas (equivalente a 500 metros) e de 0,080 millas náuticas (equivalente a 148,160 metros) das artes ou aparellos que estes puidesen ter calados; así como manter unha distancia mínima de 0,107 millas náuticas (equivalente a 200 metros) da liña perimetral delimitadora de polígonos e instalacións acuícolas.

c) O uso de máis de dous carretes eléctricos por embarcación, cuxa potencia máxima e lonxitude da sedela será establecida por orde do Ministerio de Medio Ambiente, e Medio Rural e Mariño para cada unha das zonas de pesca recollidas no artigo 2.

d) O emprego de calquera medio de atracción ou concentración artificial das especies que se van capturar e, de forma expresa, o uso de luces a tal obxecto, excepto o brumeo con pequenos peláxicos.

e) O uso ou tenza de calquera clase de substancia velenosa, narcótica, explosiva ou contaminante.

**CAPÍTULO V****Pesca marítima de recreo submarina****Artigo 13. *Pesca marítima de recreo submarina.***

Para poder practicar a pesca marítima de recreo submarina será necesario estar en posesión da licenza de actividade expedida polo órgano competente dunha comunidade

autónoma do litoral ou das cidades de Ceuta e Melilla, e cumprir a normativa establecida pola administración en cuxo litoral se realice a actividade.

Artigo 14. *Instrumentos de captura.*

1. Unicamente está permitido o arpón manual ou impulsado por medios mecánicos e que poderá ter unha ou varias puntas.
2. Prohíbese a práctica da pesca submarina de recreo cando se leven a bordo da embarcación, simultaneamente, instrumentos de captura de pesca submarina e equipamentos de respiración en inmersión.

Artigo 15. *Balizamento.*

Cada mergullador deberá marcar a súa posición mediante unha boia de sinalización claramente visible, da que non se deberá afastar un raio superior a 0,013 millas náuticas ou 25 metros.

Artigo 16. *Prohibicións.*

No exercicio desta modalidade de pesca marítima de recreo queda expresamente prohibido, ademais do establecido nas letras b), d), e e) do artigo 12:

- a) Ter o fusil cargado fóra da auga.
- b) O emprego de instrumentos de captura con punta explosiva eléctrica ou electrónica, así como de focos luminosos, salvo as lanternas de man.
- c) O uso ou tenza de artefactos hidroesvaradores e vehículos similares.
- d) A práctica desta actividade en horario nocturno, desde o ocaso ao orto.

## CAPÍTULO VI

### Concursos de pesca

Artigo 17. *Autorización de concursos.*

1. A realización de concursos de pesca marítima en augas exteriores requirirá dunha autorización que concederá:

- a) A Dirección Xeral de Recursos Pesqueiros e Acuicultura no suposto de concursos de especies de protección diferenciada. A solicitude deberase presentar cun mes de antelación á realización do concurso, de acordo co modelo que figura no anexo V.
- b) A comunidade autónoma competente para a concesión da correspondente licenza de actividade no resto dos concursos.

2. En relación cos concursos a que se refire a letra b) deste artigo, as comunidades autónomas deberán comunicarlle no prazo de 15 días á Dirección Xeral de Recursos Pesqueiros e Acuicultura a súa realización e os topes de capturas establecidos neles, de acordo co modelo que figura no anexo VI.

3. Calquera incidencia que varíe a realización do concurso será inmediatamente comunicada á Dirección Xeral de Recursos Pesqueiros e Acuicultura.

4. Os concursos a que se refire este artigo deberán cumprir, se for o caso, as previsións establecidas no Real decreto 62/2008, do 25 de xaneiro, polo que se aproba o Regulamento das condicións de seguridade marítima, da navegación e da vida humana no mar aplicables ás concentracións náuticas de carácter conmemorativo e probas náutico-deportivas.

Artigo 18. *Concursos de especies de protección diferenciada.*

1. A persoa ou entidade organizadora destes concursos será responsable da práctica da captura e solta dos exemplares de especies de protección diferenciada sometidas a

plans de recuperación que sexan capturados vivos así como dos xuvenís das demais especies.

2. Os organizadores do concurso, cando remate este e nun prazo máximo de quince días, deberán remitir á Dirección Xeral de Recursos Pesqueiros e Acuicultura unha declaración das capturas e solta realizadas por cada embarcación e zona de pesca, cubrindo, para tal efecto, o modelo que figura no anexo VII.

Artigo 19. *Destino das capturas.*

As capturas obtidas non poderán ser vendidas nin cedidas a terceiros para un fin comercial.

## CAPÍTULO VII

### **Embarcacións comerciais de pesca marítima de recreo**

Artigo 20. *Comunicación anual sobre o exercicio desta actividade.*

Os titulares das embarcacións comerciais de pesca marítima de recreo que estean en posesión da preceptiva licenza de actividade expedida pola comunidade autónoma correspondente e, nos casos en que sexa precisa, da autorización en vigor para a captura de especies de protección diferenciada a que se refire o artigo 10 deberán comunicar, un mes antes de comezar a actividade e cunha periodicidade anual, o exercicio desa actividade comercial extractiva á Dirección Xeral de Recursos Pesqueiros e Acuicultura do Ministerio de Medio Ambiente, e Medio Rural e Mariño, cubrindo para tal fin o modelo que figura no anexo VIII.

Artigo 21. *Informe de capturas e solta.*

Os titulares de embarcacións comerciais autorizados para a captura de especies de protección diferenciada deberán remitir ao Ministerio de Medio Ambiente, e Medio Rural e Mariño, un informe mensual sobre as capturas e solta de especies de protección diferenciada realizadas por cada embarcación, cubrindo para tal fin o modelo que figura no anexo IV.

## CAPÍTULO VIII

### **Rexistro de embarcacións de pesca marítima de recreo en augas exteriores**

Artigo 22. *Rexistro de embarcacións de pesca marítima de recreo en augas exteriores.*

Créase na Dirección Xeral de Ordenación Pesqueira da Secretaría Xeral do Mar, do Ministerio de Medio Ambiente, e Medio Rural e Mariño, o Rexistro de embarcacións de pesca marítima de recreo que se nutrirá da relación das embarcacións que consten nos rexistros de embarcacións recreativas das comunidades autónomas con licenza en vigor para o exercicio da actividade de pesca recreativa desde embarcación, os cales se deberán actualizar, ao menos, unha vez ao ano.

## CAPÍTULO IX

### **Infraccións e sancións**

Artigo 23. *Infraccións e sancións.*

As infraccións ao disposto neste real decreto serán sancionadas de acordo co previsto nos capítulos I, II e IV do título V da Lei 3/2001, do 26 de marzo, para cuxo efecto se establecerán, no marco do disposto no artigo 7, os mecanismos de coordinación precisos que garantan o exercicio das competencias sancionadoras que corresponden á Administración xeral do Estado.



Disposición adicional primeira. *Rexistro de embarcacións recreativas de pesca en augas exteriores.*

1. No prazo dun ano a partir da entrada en vigor deste real decreto, as comunidades autónomas do litoral que dispoñan de rexistros de embarcacións recreativas que exerzan a actividade de pesca recreativa deberán remitilos, por vía telemática, ao rexistro da Dirección Xeral de Ordenación Pesqueira da Secretaría Xeral do Mar a que se refire o artigo 22, cubrindo, para tal efecto, o anexo IX.

2. Aquelas comunidades autónomas do litoral que no momento da entrada en vigor deste real decreto non dispoñan deste rexistro, deberán crealo no prazo, igualmente, dun ano, que poderá ser prorrogado por outro, logo de petición da comunidade autónoma respectiva.

Disposición adicional segunda. *Presentación de solicitudes.*

A presentación das solicitudes, declaracións e comunicacións reguladas neste real decreto e cuxos modelos se encontran nos anexos, poderanse tramitar por vía telemática a través da páxina web do Ministerio de Medio Ambiente, e Medio Rural e Mariño, así como en calquera dos lugares establecidos no artigo 38.4 da Lei 30/1992, do 26 de novembro, de réxime xurídico das administracións públicas e do procedemento administrativo común.

Disposición adicional terceira. *Silencio administrativo.*

En cumprimento do previsto no artigo 43 da Lei 30/1992, do 26 de novembro, e de conformidade coa disposición adicional 6.<sup>a</sup> da Lei 3/2001, do 26 de marzo, o vencemento do prazo máximo para resolver as solicitudes das autorizacións previstas neste real decreto entenderase como silencio administrativo negativo.

Disposición adicional cuarta. *Aplicación.*

Será aplicable o Real decreto 2133/1986, do 19 de setembro, polo que se establecen as normas a que se deberá axustar a pesca marítima de recreo en augas do mar territorial español correspondente ao arquipélago canario, en todo o que non se opoña a este real decreto.

Disposición adicional quinta. *Recoñecemento de licenzas.*

1. Para os efectos do disposto no artigo 9, a licenza de actividade da comunidade autónoma será a expedida pola comunidade en que a embarcación de pesca recreativa teña o seu porto base.

2. As comunidades autónomas establecerán mecanismos de colaboración e cooperación para o recoñecemento mutuo de licenzas.

Disposición transitoria única. *Transitoriedade.*

En canto non se aproben as normas de desenvolvemento a que se refire o artigo 5 deste real decreto, sobre os límites máximos de captura para cada zona de pesca e outras consideracións técnicas, continuarán en vigor as disposicións relativas aos topes máximos de capturas e tamaños mínimos contidos na Orde do 26 de febreiro de 1999, pola que se establecen as normas que regulan a pesca marítima de recreo.

Disposición derogatoria única. *Derogación normativa.*

Queda derogada a Orde do 26 de febreiro de 1999, pola que se establecen as normas que regulan a pesca marítima de recreo, sen prexuízo do disposto na disposición transitoria única deste real decreto.

Disposición derradeira primeira. *Título competencial.*

Este real decreto constitúe lexislación de pesca marítima, ditada ao abeiro do artigo 149.1.19.<sup>a</sup> da Constitución.

Disposición derradeira segunda. *Modificación de anexos.*

Autorízase o ministro de Medio Ambiente, e Medio Rural e Mariño para modificar ou actualizar os anexos deste real decreto.

Disposición derradeira terceira. *Acordos de delimitación de espazos marítimos.*

O disposto neste real decreto entenderase no sentido de que non prexulgue ou prexudique os posibles acordos de delimitación de espazos marítimos que España conclúe ou poida concluír no futuro con outros Estados.

Disposición derradeira cuarta. *Entrada en vigor.*

Este real decreto entrará en vigor o día seguinte ao da súa publicación no «Boletín Oficial del Estado».

Dado en Madrid o 11 de marzo de 2011.

JUAN CARLOS R.

A ministra de Medio Ambiente,  
e Medio Rural e Mariño,  
ROSA AGUILAR RIVERO



## ANEXO I

**ESPECIES AUTORIZADAS DE PEIXES E CEFALÓPODOS PARA A SÚA CAPTURA  
NA MODALIDADE DE PESCA MARÍTIMA DE RECREO**

Especie nome científico	Común	FAO
<i>Acanthocybium solandri</i>	Serra da India	WAH
<i>Alepocephalus bairdii</i>	Cabeza mol	ALC
<i>Anguilla anguilla</i>	Anguía europea	ELE
<i>Anthias anthias</i>	Peixe rei	AHN
<i>Aphanopus carbo</i>	Sabre negro	BSF
<i>Apogon imberbes</i>	Salmonete real	APO
<i>Argentina spp</i>	Pión de altura	ARY
<i>Argyrosomus regius</i>	Corvina real	MGR
<i>Arnoglossus spp</i>	Rapapelos	MSF
<i>Aspitrigla cuculus</i>	Escacho	GUR
<i>Atherina boyeri</i>	Peixe rei do Mediterráneo	ATB
<i>Atherina hepsetus</i>	Peixe rei do alto	AHH
<i>Atherina presbyter</i>	Peixe rei	ATP
<i>Aulostomus strigosus</i>	Peixe trompeta	AGQ
<i>Auxis rochei</i>	Zurdo común	BLT
<i>Balistes carolinensis</i>	Peixe porco cinsento	TRG
<i>Belone belone</i>	Agulla	GAR
<i>Beryx sp</i>	Castañeta vermella miúda	ALF
Blenniidae	Lorcho	BLE
<i>Boops boops</i>	Boga	BOG
<i>Bothus podas</i>	Rapapelos de ollos grandes	OUB
<i>Brama brama</i>	Castañeta	POA
<i>Callionymus lyra</i>	Escorpión	LYY
<i>Capros aper</i>	Peixe xabaril	BOC
<i>Cepola macrophthalma</i>	Peixe cinta	CBC
<i>Cheilopogon heterutus</i>	Peixe voador	ECE
<i>Chelidonichthys lucerna</i>	Escacho amarelo	GUU
<i>Chelidonichthys spp</i>	Escacho	GUI
<i>Chelon labrosus</i>	Muxo negro	MLR
<i>Chimaera monstrosa</i>	Borríco	CMO
<i>Chromis chromis</i>	Castañola	CMK
<i>Citharus linguatula</i>	Rapapelos bicudo	CIL
<i>Conger coger</i>	Congro	COE
<i>Coris julis</i>	Doncela	COU
<i>Coryphaena hippurus</i>	Dourado común	DOL
<i>Ctenolabrus rupestris</i>	Chaparrudo	TBR
<i>Dactyloperus volitans</i>	Escacho voador	DYL
<i>Dasyatis pastinaca</i>	Uxa común	JDP
<i>Dentex gibbosus</i>	Dentón de bandeira	DEP
<i>Dentex macrophthalmus</i>	Dentón ollón	DEL

Especie nome científico	Común	FAO
<i>Dicentrarchus labrax</i>	Robaliza	BSS
<i>Dicentrarchus punctatus</i>	Robaliza de pintas	SPU
<i>Dicoglossa cuneata</i>	Acedía	CET
<i>Diplodus</i> spp	Sargo	SRG
<i>Epinephelus marginatus</i>	Mero	GPD
<i>Euthynnus alletteratus</i>	Merma	LTA
<i>Gadiculus argenteus</i>	Corbelo prateado	GDG
<i>Gadus morhua</i>	Bacallao do Atlántico	COD
<i>Gaidropsarus biscayensis</i>	Barbada de Biscaia	GGY
<i>Gaidropsarus mediterraneus</i>	Barbada de area	GGD
<i>Galeorhinus galeus</i>	Cazón	GAG
<i>Gliptocephalus cynoglossus</i>	Coreano	WIT
<i>Gobius</i> spp	Gobio	GOB
<i>Helicolenus dactylopterus</i>	Cabra lexítima	BRF
<i>Istiophorus albicans</i> *	Veleiro do Atlántico	SAI
<i>Isurus</i> spp	Marraxo	MAK
<i>Katsuwonus pelamis</i>	Bonito alistado	SKJ
<i>Labrus bergylta</i>	Maragota	USB
<i>Labrus merula</i>	Budión castaño	WRM
<i>Lepidopus caudatus</i>	Sabre prateado	SFS
<i>Lepidorhombus boscii</i>	Rapante de catro manchas	LBD
<i>Lepidorhombus whiffiagonis</i>	Rapante	MEG
<i>Lichia amia</i>	Palometón	LEE
<i>Lithognathus mormyrus</i>	Ferreira	SSB
<i>Liza</i> spp	Muxo	LZZ
<i>Lophius piscatorius</i>	Peixe sapo	MON
<i>Lophius budegassa</i>	Peixe sapo negro	ANK
<i>Lota lota</i>	Lota de río	FBU
<i>Macroramphosus scolopax</i>	Trompeteiro	SNS
<i>Makaira ssp</i> *	Marlín	BUM
<i>Melanogrammus aeglefinus</i>	Burro	HAD
<i>Merlangius merlangus</i>	Corbelo	WHG
<i>Merluccius merluccius</i> *	Pescada branca	HKE
<i>Microchirus variegatus</i>	Acedía raiada	MKG
<i>Micromesistius poutassou</i>	Lirio	WHB
<i>Molva</i> spp	Maruca	LIN
<i>Mugil cephalus</i>	Muxo cabezudo	MUF
<i>Mullus barbatus</i>	Salmonete de lama	MUT
<i>Mullus surmuletus</i>	Salmonete de rocha	MUR
<i>Muraena helena</i>	Morea común	MMH
<i>Mustelus</i> spp	Cazón	SDV
<i>Myliobatis aquila</i>	Chucho	MYL
<i>Mycteroperca rubra</i>	Mero de manchas	MKU
<i>Naucrates doctor</i>	Peixe piloto	NAU
<i>Oblada melanura</i>	Chepa	SBS

Espezie nome científico	Común	FAO
<i>Oxynotus centrina</i>	Peixe porco	OXY
<i>Pagellus acarne</i>	Pancho bicudo	SBA
<i>Pagellus bogaraveo</i>	Ollomol	SBR
<i>Pagellus erythrinus</i>	Breca	PAC
<i>Pagrus auriga</i>	Prago sémola	REA
<i>Pagrus caerulecostictus</i>	Prago de puntos azuis	BSC
<i>Pagrus pagrus</i>	Prago	RPG
<i>Parapristipoma octolineatum</i>	Roncador riscado	GRA
<i>Phycis blennoides</i>	Bertorella de lama	GFB
<i>Phycis Phycis</i>	Bertorella de rocha	FOR
<i>Platichthys flesus</i>	Platuxa das pedras	FLE
<i>Pleuronectes platessa</i>	Solla	PLE
<i>Pollachius pollachius</i>	Abadexo	POL
<i>Pollachius virens</i>	Carboeiro	POK
<i>Polyprion americanus</i>	Mero	WRF
<i>Pomadasys incisus</i>	Roncador bastardo	BGR
<i>Pomatomus saltatrix</i>	Anchoa	BLU
<i>Prionace glauca</i>	Quenlla	BSH
<i>Psetta maxima</i>	Rodaballo	TUR
<i>Pteromylaeus bovinus</i>	Peixe bispo	MPO
<i>Raja spp</i>	Raia	SKA
<i>Reinhardtius hippoglossoides</i>	Hipogloso negro	GHL
<i>Sarda sarda</i>	Bonito do Atlántico	BON
<i>Sardinella aurita</i>	Sardinela lombuda	SAA
<i>Sarpa salpa</i>	Saboga	SLM
<i>Sciaena umbra</i>	Roncadeira	CBM
<i>Scomber japonicus</i>	Rincha	MAS
<i>Scomber scombrus</i>	Xarda	MAC
<i>Scomberesox saurus</i>	Alcrique	SAU
<i>Scophthalmus rhombus</i>	Curuxo	BLL
<i>Scorpaena notata</i>	Escarapote escorpión	SNQ
<i>Scorpaena porcus</i>	Escarapote de pintas	BBS
<i>Scorpaena scrofa</i>	Escarapote de pedra	RSE
<i>Scyliorhinus spp</i>	Melgacho	SCL
<i>Scymnodon ringens</i>	Tiburón bruxa	SYR
<i>Seriola dumerili</i>	Peixe limón	AMB
<i>Seriola fasciata</i>	Peixe limón listado	RLF
<i>Serranus cabrilla</i>	Cabra	CBR
<i>Serranus scriba</i>	Serrán riscado	SRK
<i>Solea solea</i>	Linguado	SOL
<i>Sparisoma cretense</i>	Papagaio vello	PRR
<i>Sparus aurata</i>	Dourada	SBG
<i>Sphyaena sphyraena</i>	Espetón	YRS
<i>Spicara maena</i>	Corneteiro choupa	BPI
<i>Spicara smarís</i>	Corneteiro boga	SPC

Especie nome científico	Común	FAO
<i>Spondyliosoma cantharus</i>	Pancha	BRB
<i>Sprattus sprattus</i>	Trancho	SPR
<i>Symphodus mediterraneus</i>	Budión do Mediterráneo	WRA
<i>Symphodus melanocercus</i>	Budión	WRA
<i>Symphodus melops</i>	Budión común	YFM
<i>Symphodus ocellatus</i>	Budión de ollos	YFO
<i>Synodus saurus</i>	Lagarto da costa	SDR
<i>Thalassoma pavo</i>	Maragota verde	TMP
<i>Thunnus thynnus</i> *	Atún vermello	BFT
<i>Thunnus alalunga</i> *	Bonito	ALB
<i>Thunnus obesus</i> *	Atún patudo	BET
<i>Tetrapturus albidus</i> *	Marlín branco	WHM
<i>Tetrapturus belone</i> *	Marlín do Mediterráneo	MSP
<i>Tetrapturus Georgia</i> *	Marlín peto	RSP
<i>Trachinotus ovatus</i>	Pampo branco	POP
<i>Trachinus araneus</i>	Peixe araña de pintas	WEX
<i>Trachinus draco</i>	Peixe araña	WEG
<i>Trachinus radiatus</i>	Peixe araña raiado	WEX
<i>Trachurus mediterraneus</i>	Xurelo do Mediterráneo	HMM
<i>Trachurus picturatus</i>	Xurelo negro	JAA
<i>Trachurus trachurus</i>	Xurelo	HOM
<i>Trichiurus lepturus</i>	Sabre de ollos grandes	LHT
<i>Trigla lyra</i>	Escacho de altura	GUN
<i>Trisopterus luscus</i>	Faneca	BIB
<i>Trisopterus minutus</i>	Fodón	POD
<i>Umbrina canariensis</i>	Umbrina das Canarias	UCA
<i>Umbrina cirrosa</i>	Gato de mar	COB
<i>Uranoscopus scaber</i>	Cabezudo	UUC
<i>Xiphias gladius</i> *	Peixe espada	SWO
<i>Xyrichtis novacula</i>	Trabador	XYN
<i>Zeus faber</i>	Sanmartiño	JOD
CEFALÓPODOS		
<i>Sepia officinalis</i>	Choco	CTC
<i>Sepia elegans</i>	Choquiño	EJE
<i>Eledone cirrosa</i>	Cabezón	EOI
<i>Sepia orbignyana</i>	Choco bicudo	IAR
<i>Octopus spp</i>	Polbo	OCZ
<i>Loligo spp</i>	Lura	SQC
<i>Todarodes sagittatus</i>	Pota común	SQE
<i>Illex coindetii</i>	Choupa	SQM
<i>Todaropsis eblanae</i>	Pota pequena	TDQ

\* Especies sometidas a medidas de protección diferenciada suxeitas ás prescricións técnicas e limitacións reguladas na súa normativa específica.

## ANEXO II

ESPECIES SOMETIDAS A MEDIDAS DE PROTECCIÓN DIFERENCIADA  
NA PESCA MARÍTIMA DE RECREO

DENOMINACIÓN	Código FAO
Atún vermello ( <i>Thunnus thynnus</i> ) (1)	<b>BFT</b>
Bonito ( <i>Thunnus alalunga</i> )	<b>ALB</b>
Atún patudo ( <i>Thunnus obesus</i> )	<b>BET</b>
Peixe espada ( <i>Xiphias gladius</i> )	<b>SWO</b>
Marlín ( <i>Makaira spp.</i> )	<b>BUM</b>
Marlín <i>Tetrapturus spp.</i> Marlín do Mediterráneo-Marlín branco Marlín bicudo -Marlín peto	<b>MSP – WHM</b> <b>SPF – RSP</b>
Veleiro do Atlántico ( <i>Istiophorus albicans</i> )	<b>SAI</b>
Pescada branca ( <i>Merluccius merluccius</i> )	<b>HKE</b>

## ANEXO III

**SOLICITUDE DE AUTORIZACIÓN PARA EMBARCACIONES DEDICADAS Á CAPTURA  
DE ESPECIES SOMETIDAS A MEDIDAS DE PROTECCIÓN DIFERENCIADAS  
NA PESCA MARÍTIMA DE RECREO**

DATOS DO BUQUE / EMBARCACIÓN			
<b>CÓDIGO DE BUQUE (NIB)</b>  NIB Núm. interno DXM Mercante	PORTO DE MATRÍCULA	DISTINTIVO DE AMURAS	
		LISTA	MATRÍCULA
NOME DO BUQUE	PORTO DE ATRACADA Código postal <input type="text"/>	COMUNIDADE AUTÓNOMA	
<b>ESTRANXEIROS</b> Código de buque: _____		LICENZA DE PESCA DA C.A. (N.º ou referencia)	
<b>PAÍS</b> <input type="text"/>	<b>DISTINTIVO DE AMURAS</b>		


DATOS DO TITULAR REXISTRAL		
NOME / DENOMINACIÓN SOCIAL	PRIMEIRO APELIDO	SEGUNDO APELIDO
CIF: <input type="text"/>	DNI: <input type="text"/>	
<b>ESTRANXEIROS</b> (Documento de identificación <b>PAÍS</b> : <input type="text"/> <input type="text"/> (Marcar con X))		
<b>CÓDIGO IDENTIF. SOCIEDADE</b>	1	<b>NÚMERO:</b> <input type="text"/>
<b>PERMISO RESIDENCIA (NIE X)</b>	2	
<b>DOCUMENTO DE IDENTIDADE</b>	3	
<b>PASAPORTE</b>	4	

DATOS DO DOMICILIO PARA O EFECTO DE NOTIFICACIÓNS			
DOMICILIO (rúa, praza, etc. e núm. piso, porta)		LOCALIDADE	PROVINCIA / <b>PAÍS</b> <input type="text"/>
CÓDIGO POSTAL	CORREO ELECTRÓNICO	TELÉFONOS DE CONTACTO	FAX

Para cubrir:



Buques listas 6º e 7ª DXMM



A Administración

**3. RELACIÓN DE ESPECIES OBXECTIVO (SINALAR CON X AS AUTORIZADAS NA DATA DE SOLICITUDE)**

DENOMINACIÓN	Código FAO
Atún vermello ( <i>Thunnus thynnus</i> ) (1)	<b>BFT</b>
Bonito ( <i>Thunnus alalunga</i> )	<b>ALB</b>
Atún patudo ( <i>Thunnus obesus</i> )	<b>BET</b>
Peixe espada( <i>Xiphias gladius</i> )	<b>SWO</b>
Marlín ( <i>Makaira spp.</i> )	<b>BUM</b>
Marlín ( <i>Tetrapturus spp.</i> ) Marlín do Mediterráneo-Marlín branco Marlín bicudo-Marlín peto	<b>MSP - WHM</b> <b>SPF - RSP</b>
Veleiro do Atlántico ( <i>Istiophorus albicans</i> )	<b>SAI</b>
Pescada branca ( <i>Merluccius merluccius</i> )	<b>HKE</b>

DATOS DO REPRESENTANTE		
NOME / DENOMINACIÓN SOCIAL	PRIMEIRO APELIDO	SEGUNDO APELIDO
CIF: <input type="text"/>	DNI: <input type="text"/>	
<b>ESTRANXEIROS</b> (Documento de identificación) <b>PAÍS:</b> <input type="text"/> <input type="checkbox"/> (Marcar con X)		
<b>CÓDIGO IDENTIF. SOCIEDADE</b> 1 <input type="text"/> <b>PERMISO RESIDENCIA (NIE X)</b> 2 <input type="text"/> <b>DOCUMENTO DE IDENTIDADE</b> 3 <input type="text"/> <b>PASAPORTE</b> 4 <input type="text"/>	<b>NÚMERO:</b> <input type="text"/>	

O solicitante autoriza expresamente a Secretaría Xeral do Mar para confirmar coa D.X. da Mariña Mercante os datos do buque e do titular que figuran no Rexistro de buques desta.

**DATA E SINATURA DO SOLICITANTE**

..... de ..... de 20.....

Asdo.: \_\_\_\_\_

**DIRECTOR XERAL DE RECURSOS PESQUEIROS E ACUICULTURA.**  
**SECRETARÍA XERAL DO MAR**



## ANEXO IV


### DECLARACIÓN DE CAPTURA E SOLTA DE ESPECIES DE PROTECCIÓN DIFERENCIADA NA PESCA MARÍTIMA DE RECREO

AUTORIZACIÓN DA SECRETARÍA XERAL DO MAR N.º

DECLARANTE		
DNI / CIF	NOME	APELIDOS
ESTRANXEIROS		
DOCUMENTO DE IDENTIFICACIÓN (Marcar con X)		NÚMERO
PERMISO DE RESIDENCIA	1 <input type="checkbox"/>	<input type="text"/>
DOCUMENTO DE IDENTIDADE	2 <input type="checkbox"/>	
PASAPORTE	3 <input type="checkbox"/>	
		PAÍS <input type="text"/>
DATOS DO BUQUE / EMBARCACIÓN		
NOME DO BUQUE	NIB (N.º Interno Rexistro DXMM)	DISTINTIVO DE AMURAS (lista, matrícula, folio-ano)

**ÁREA DE PESCA:** (marcar un x na área correspondente e transcribir código á declaración)

Cantábrico: **CANT** Noroeste: **NE** Golfo de Cádiz: **CAD** Mediterráneo: **MED** Canarias: **CAN**





## ANEXO V

**SOLICITUDE DE AUTORIZACIÓN PARA CONCURSOS DE PESCA  
RECREATIVA DE ESPECIES DE PROTECCIÓN DIFERENCIADA**

DATOS DA ORGANIZACIÓN SOLICITANTE																	
CIF	NOME OU DENOMINACIÓN SOCIAL																
DATOS DO REPRESENTANTE LEGAL (Para os efectos de notificación)																	
DNI	NOME	PRIMEIRO APELIDO	SEGUNDO APELIDO														
DATOS DO DOMICILIO PARA OS EFECTOS DE NOTIFICACIÓNS																	
DOMICILIO (rúa, praza etc. e núm. piso, porta)		LOCALIDADE	PROVINCIA														
CÓDIGO POSTAL	CORREO ELECTRÓNICO	TELÉFONOS DE CONTACTO	FAX														
CARACTERÍSTICAS DO CONCURSO																	
DENOMINACIÓN		DATA INICIAL (DD/MM/AAAA)	DATA FINAL (DD/MM/AAAA)														
ÁREAS DE PESCA (Coordenadas de cuadrantes en que está incluída a área) <table border="0" style="width: 100%; border-collapse: collapse;"> <tr> <td style="width: 25%;"></td> <td style="width: 10%;">Cuad.1</td> <td style="width: 15%;">Lonxitude .....</td> <td style="width: 15%;">Latitude .....</td> <td style="width: 15%;">Lonxitude .....</td> <td style="width: 15%;">Latitude .....</td> </tr> <tr> <td></td> <td>Cuad.2</td> <td>Lonxitude .....</td> <td>Latitude .....</td> <td>Lonxitude .....</td> <td>Latitude .....</td> </tr> </table>							Cuad.1	Lonxitude .....	Latitude .....	Lonxitude .....	Latitude .....		Cuad.2	Lonxitude .....	Latitude .....	Lonxitude .....	Latitude .....
	Cuad.1	Lonxitude .....	Latitude .....	Lonxitude .....	Latitude .....												
	Cuad.2	Lonxitude .....	Latitude .....	Lonxitude .....	Latitude .....												
NÚMERO MÁXIMO PREVISTO DE LICENZAS			NÚMERO MÁXIMO PREVISTO DE EMBARCACIÓNS														
CLASE DE PESCA (marcar cun X)																	
LIÑA DE MAN	<input type="checkbox"/>	CORRICÁN	<input type="checkbox"/>	POTEIRA	<input type="checkbox"/>												
CANA	<input type="checkbox"/>	VOLANTÍN	<input type="checkbox"/>	APARELLOS RECOLLIDA	<input type="checkbox"/>												

TOPES MÁXIMOS CAPTURAS ESTABLECIDOS					
<i>Sinalar cun X os topes que se pretendan superar</i>					
		Nº PEZAS/DÍA		KG TOTAIS/DÍA	
		POR LICENZA	POR EMBARCACIÓN	LICENZA	EMBARCACIÓN
	Atún vermello (Mediterráneo) <i>(Thunnus thynnus)</i>	*	*	Peza tamaño mínimo 30 kg ou 115 cm	
	Bonito <i>(Thunnus alalunga)</i>	5	20		
	Atún patudo <i>(Thunnus obesus)</i>				
	Pescada branca <i>(Merluccius merluccius)</i>				
	Peixe espada <i>(Xiphias gladius)</i>	1	4		
	Marlín <i>(Makaira spp.)</i>				
	Marlín <i>(Tetrapturus spp.)</i>				
	Veleiro do Atlántico <i>(Istiophorus albicans)</i>				
	Outros (Especificar anexo)			5	25

## DATA E SINATURA DO SOLICITANTE

..... de .....

\* Conforme o establecido no artigo 17.4 da Orde ARM/1244/2008, do 29 de abril, pola que se regula a pesca de atún vermello no Atlántico Oriental e Mediterráneo, prohibese a realización de concursos, eventos deportivos ou competicións de pesca deportiva ou de recreo que teñan como fin a morte de atún vermello.

**SR. DIRECTOR XERAL DE RECURSOS PESQUEIROS E ACUICULTURA.  
SECRETARÍA XERAL DO MAR**

## ANEXO VI

**COMUNICACIÓN DE CONCURSOS DE PESCA RECREATIVA  
DE ESPECIES DISTINTAS DAS DE PROTECCIÓN DIFERENCIADA**

COMUNIDADE AUTÓNOMA	CONSELLERÍA DE
	AUTORIZACIÓN (N.º ou referencia)

DATOS DA ORGANIZACIÓN SOLICITANTE			
DNI / CIF	NOME OU DENOMINACIÓN SOCIAL		
CARACTERÍSTICAS DO CONCURSO			
DENOMINACIÓN	DATA INICIAL (DD/MM/AAAA)	DATA FINAL (DD/MM/AAAA)	
ÁREAS DE PESCA ( <i>Coordenadas de cuadrantes en que está incluída a área</i> )	Cuad. 1..... Lonxitude ..... Latitude .....	Lonxitude..... .Latitude .....	
	Cuad. 2..... Lonxitude ..... Latitude .....	Lonxitude ..... Latitude .....	
NÚMERO DE LICENZAS	NÚMERO DE EMBARCACIÓNS		
CLASE DE PESCA (marcar cun X)			
LIÑA DE MAN <input type="checkbox"/>	CORRICÁN <input type="checkbox"/>	POTEIRA <input type="checkbox"/>	
CANA <input type="checkbox"/>	VOLANTÍN <input type="checkbox"/>	APARELLOS RECOLLIDA <input type="checkbox"/>	


## ANEXO VII

**CONCURSOS DE PESCA RECREATIVA DE ESPECIES DE PROTECCIÓN DIFERENCIADA  
DECLARACIÓN DE CAPTURA E SOLTA**

AUTORIZACIÓN DA SECRETARÍA XERAL DO MAR N.º

DATOS DA ORGANIZACIÓN AUTORIZADA			
CIF	NOME OU DENOMINACIÓN SOCIAL		
DATOS DO DECLARANTE			
DNI	NOME	PRIMEIRO APELIDO	SEGUNDO APELIDO
DATOS DO DOMICILIO PARA OS EFECTOS DE NOTIFICACIÓNS			
DOMICILIO (rúa, praza etc. e núm. piso, porta)		LOCALIDADE	PROVINCIA
CÓDIGO POSTAL	CORREO ELECTRÓNICO	TELÉFONOS DE CONTACTO	FAX
CARACTERÍSTICAS DO CONCURSO			
NÚMERO DE LICENZAS		NÚMERO DE EMBARCACIÓNS	

**ÁREA DE PESCA: (MARCAR CUN X NA ÁREA CORRESPONDENTE E TRANSCRIBIR CÓDIGO Á DECLARACIÓN)**

 Cantábrico: **CANT** Noroeste: **NE** Golfo de Cádiz: **CAD** Mediterráneo: **MED** Canarias: **CAN**






## ANEXO VIII

**COMUNICACIÓN DE ACTIVIDADE DE EMBARCACIÓNS  
COMERCIAIS DE PESCA MARÍTIMA DE RECREO (Lista 6ª)**
ANO 

2	0		
---	---	--	--

<b>COMUNIDADE AUTÓNOMA</b>	<b>CONSELLERÍA DE</b>
	<b>LICENZA (N.º ou referencia)</b>

DATOS DO BUQUE / EMBARCACIÓN				
		DISTINTIVO DE AMURAS		
NOME DO BUQUE	PORTO DE MATRÍCULA	LISTA 6ª	MATRÍCULA	FOLIO - ANO
NIB (Nº interno buque DXM Mercante)	PORTO DE ATRACADA	<input style="width: 100%;" type="text"/>		
DATOS DO TITULAR REXISTRAL				
DNI / CIF	NOME OU DENOMINACIÓN SOCIAL	APELIDOS, SE É O CASO		
ESTRANXEIROS				
<b>DOCUMENTO DE IDENTIFICACIÓN</b> (Marcar con X)				PAÍS <input style="width: 80%;" type="text"/>
PERMISO DE RESIDENCIA	1 <input type="checkbox"/>	<input style="width: 100%;" type="text"/>		
DOCUMENTO DE IDENTIDADE	2 <input type="checkbox"/>			
PASAPORTE	3 <input type="checkbox"/>			
DOMICILIO				
DOMICILIO (rúa, praza etc. e núm. piso, porta)		LOCALIDADE	PROVINCIA/PAÍS <input style="width: 80%;" type="text"/>	
CÓDIGO POSTAL	CORREO ELECTRÓNICO	TELÉFONOS DE CONTACTO	FAX	

## ANEXO IX

**DATOS QUE HAI QUE INCLUIR NO REXISTRO DE EMBARCACIÓNS  
RECREATIVAS DE PESCA EN AUGAS EXTERIORES**

ANO    

<b>COMUNIDADE AUTÓNOMA</b>	<b>CONSELLERÍA</b>
----------------------------	--------------------

DATOS DO BUQUE / EMBARCACIÓN					
		DISTINTIVO DE AMURAS			
NOME DO BUQUE	PORTO DE MATRÍCULA	LISTA	MATRÍCULA	FOLIO - ANO	
NIB	PORTO DE ATRACADA	LICENZA DE PESCA DE COMUNIDADE AUTÓNOMA (Nº ou referencia)			
ESTRANXEIROS					
PAÍS	DISTINTIVO DE AMURAS				
DATOS DO TITULAR					
DNI / CIF	NOME OU RAZÓN SOCIAL	APELIDOS, SE É O CASO			
ESTRANXEIROS					
<b>DOCUMENTO DE IDENTIFICACIÓN</b> (Marcar con X) PERMISO DE RESIDENCIA    1 <input type="checkbox"/> <input type="checkbox"/> DOCUMENTO DE IDENTIDADE    2 <input type="checkbox"/> <input type="checkbox"/> PASAPORTE    3 <input type="checkbox"/> <input type="checkbox"/>					PAÍS
DOMICILIO					
DOMICILIO (rúa, praza, etc. e núm. piso, porta)		LOCALIDADE	PROVINCIA/PAÍS		
CÓDIGO POSTAL	CORREO ELECTRÓNICO	TELÉFONOS DE CONTACTO	FAX		